

Vuk'uzenzele



Produced by Government Communications (GCIS)

English/Xitsonga

| Nyenyankulu 2019 Nkandziyiso I


Budgeting for a brighter future

FINANCE MINISTER Tito Mboweni has called on the nation to embrace President Cyril Ramaphosa's State of the Nation Address task list, so that we can become a better South Africa.

During his recent Budget Speech in Parliament, Minister Mboweni assured South Africans that the country is on a bold new path and spoke about what government plans to do for the nation and its citizens.

The Minister said that the Budget focuses on six areas. These include achieving a higher rate of economic growth; increasing tax collection; reasonable, affordable expenditure; stabilising and reducing debt; re-configuring state-owned enterprises (SOEs); and managing the public sector wage bill.

"Taxes raised in wealthier areas fund poorer provinces and municipalities. In this budget, 47.9 percent of nationally-raised funds have been allocated to national government, 43 percent to provinces and 9.1 percent to local government. Pro-poor spending continues to grow in real terms," he said.



Finance Minister Tito Mboweni delivers the Budget Speech.

● **Cont. page 2**

Social grant increases



R80 – Increase for old age, disability, war veterans and care dependency grants.
R40 – Increase for the foster care

Health



R717 billion – For health services, including the National Health Insurance.

Education



R30 billion – To build new schools and maintain infrastructure.



ALSO AVAILABLE ON:



@VukuzenzeleNews



Vuk'uzenzele

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353

FREE COPY

Did you know? THE 2019 ELECTIONS WILL BE HELD ON 8 MAY 2019

Vatirhi va swa rihanyu lavantshwa va pfuneta ematikoxikaya eKZN

MEC wa swa Rihanyu eKwaZulu-Natal, Dokodela Sibongiseni Dhlomo u hlohlolele tiphurofexinali ta vantshwa ta swa rihanyu ku sukela tindhawu leti va ti toloveleke, kutani va ya eka tindhawu ta le matikoxikaya ku pfuna miganga leyi lavaka nhlayiso wa rihanyu.

MEC a vulavula ku nga ri kahle eDurban eka ndzetelovutivi wa mitolovelo ya swa vutomi na ku tivisiwa ka swichudeni swa 268. Swi huma eka tiyunivhesiti ta le tikweni hinkwaro, naswona swi sungula vukorhokeri bya swona bya le migangeni bya tin'hweti tinharhu.

Ntlawa wa vatirhi vo korhokela miganga wa 2019 wu katsa vadokodela wa meno, titherapisi ta marhambu na misiha, titherapisi ta le ntirhweni, titherapisi to pfuna vanhu lava nga na swiphigo swo vulavula na titherapisi to pfuna vanhu lava nga na



Ku tlula 200 wa vatirhi va rihanyu va vantshwa vakorhokela vaaki eka tindhawu to hambana eKwaZulu-Natal tanihi hi xiphemu xa vona xa ndzetelovutivi.

swiphigo swo twa. Ku sunguriwa ka vukorhokeri bya miganga byo boha eka rihanyu ku sungule hi lembeximali ra 1998/99 ehansi ka mfumo wa khale ka Phuresidente Mandela. Hambileswi eku sunguleni a byi kongomise eka vadokodela na vadokodela va meno, byi sunguriwile eka vatirhi va swa rihanyu van'wana lava katsaka titherapisi na vaongori.

"Vukorhokeri byo tala lebyi nyikiwaka hi titherapisi leti a byi kumeki eka tindhawu ta le matikoxikaya. A wu ti

voni. "Loko hi pfumelela vanhu lavantshwa lava ku ya eka tindhawu leti swi hunguta xilaveko xo va vanhu lava va vabyaka hi switandzaku swa ntshikelelo wa ngati, mavabyi ya chukele, ku khwanyana swirho ku fanela ku tlhelela eka tindhawu ta le madorobeni laha nhlayonyingi ya tiphurofexinali leti ti kumekaka kona," ku vula MEC Dhlomo.

Dokodela wa meno, Frieda Maritz wo huma eTshwane u dyondze eka Yunivhesiti ya Pitori. Eku sunguleni a

"Ku kota ku nyika vukorhokeri eka vanhu lava nga hava mfikelelo wa byona swa vuyerisa."

yisiwe eka Xibedhlele xa Ekhombe a nga se hundziseriwa eka Tliliniki ya Hlengisizwe. "Ndzi tsake swinene ku va ndzi ri ehandle ka Durban. Ekhombe a yi ri ndhawu ya le matikoxikaya, kambe ku vile ntokoto. Ndzi dyondze swotala hi mayelana na ntirho wa mina. Ndzi langutele ku dyondza ku vulavula Xizulu, ndzi kota ku tivana na vaakindhawu ku antswa no tisa ku hambana," ku vula Maritz.

Nombongo Ntswayi, mutivinkulu wa swa tindleve ku suka eCape Town u tiphine hi mavhiki ma nga ri mangani ya yena eka Xibedhlele xa Christ the King eXopo

laha a yisiwe kona.

"Hi ku tirhisana na munganga wa le Xopo, u kota ku vona tlhelo rin'wana ra vutomi no amukela vanhu. Loko u kota ku nyika vanhu vukorhokeri bya swa rihanyu lava nga hava mfikelelo wa byona swa vuyerisa swinene," ku vula Ntswayi.

Yashnita Ramsunder, mutherapisi wa le ntirhweni loyi a dyondzeke eka Yunivhesiti ya Cape Town u yisiwe eka Tliliniki ya Gamalakhe ehandle ka le Port Shepstone. "Ndzi tsake swinene laha ndzi yisiweke kona. Ndzi korhokela titliliniki ta kaye. Leswi ndzi languteleke swona eka lembe leri i ku pfuna vanhu lava nga le vuswetini swinene, ndzi pfuna vatsoniwa ku kuma ku kota ku tiyimela emigangeni no lemukisa hi mayelana na mavabyi ya miehleketo na vutsoniwa hikuva hi swona leswi ndzi swi rhandzaka ngopfu," ku vula Ramsunder. **V**

Vavabyi na vona va na timfanelo

VANHU LAVA kholwaka leswaku va kume vukorhokeri bya le hansi ku suka eka ndhawu ya swa rihanyu ya mani na mani va na mfanelo yo yisa xivilelo.

Silusapho Nyanda

Leswi Nyenyankulu ku nga N'hweti ya Timfanelo ta Ximunhu, Vuk'uzenzele yi xiyaxiya timfanelo ta vavabyi eka tindhawu to nyika swa rihanyu.

Nhlayiseko wa swa rihanyu i mfanelo ya ximunhu ya masungulo leyi faneleke leswaku ku tiphiniwa hayona hi MaAfrika-Dzonga hinkwawo. Leswi swi hlohlolele Ndzawulo ya swa Rihanyu ku tsala Chatara ya Timfanelo ta Vavabyi.

Chatara yi vula leswaku munhu un'wana na un'wana u na mfanelo ya nhlayiseko wa swa rihanyu ku nga langu-tiwi vuswikoti bya yena byo hakelela vutshunguri.

"Vutshunguri na mpfuxo swi fanele swi endliwa swi tiveka eka movabyi ku endle-



la ku n'wi pfuna ku twisisa vutshunguri kumbe mpfuxo wolowo na switandzaku swa kona," ku hlayeka chatara.

Loko movabyi a titwa a nga khomiwanga kahle kumbe timfanelo ta yena ti tluriwile, u na mfanelo yo endla rito ra yena ri twiwa.

Vavabyi lava va tirhisaka swibedhlele swa mani na mani swa le KwaZulu-Natal va nga yisa swivilelo eka vatirhi vo tihlanganisa na

vaaki lava kumekaka eka tindhawu to nyika swa rihanyu ta le ka xifundzankulu.

"Eka nkarhi wa sweswi hi na swibedhlele swa mani na mani swo tlula 80 eka xifundzankulu xa hina na vatirhi vo tihlanganisa na vaaki va 80 na kwalomu ka tisenhara ta swa rihanyu ra vaakindhawu ta 10 laha yin'wana na yin'wana yi nga na mutirhi wo tihlanganisa na vaaki wa yona," ku vula MEC wa swa Rihanyu wa

KwaZulu-Natal, Dokodela Sibongiseni Dhlomo. U vule leswaku eka malembe lama nga hundza, miletelovutivi yi khomiwile ku nyika vatirhi vo tihlanganisa na vaaki matimba ku va swikandza swa tindhawu to nyika swa rihanyu ta mani na mani ta xifundzankulu.

Vavabyi lava va vilelaka va nga tlhela va rhipota swivilelo swa vona eka hofisi ya Muyimeri wa Timfanelo ta Vaakitiko eka swa Rihanyu.

Ricardo Makhanya wo huma eka hofisi ya muyimeri wa timfanelo ta vaakitiko u hlamusele leswaku va lavisisa swivilelo swa vavabyi, naswona va nyika mbuyiselelo eka nandzu wun'wana na wun'wana.

U vule leswaku vavabyi va fanele ku sungula va yisa swivilelo swa vona eka ndhawu yo nyika swa rihanyu, naswona loko va nga enerisekanga endzhaku ka swona, va nga ya eka hofisi ya muyimeri wa timfanelo ta vaakitiko. **V**

Mfanelo ya wena ya nxiximeko

Muvabyi wun'wana na wun'wana u na mfanelo ya:

- Mbangu wa kahle no hlayiseka
- Ku nghenelela eka ku tekiwa ka swiboho
- Mfikelelo wa nhlayiseko wa swa rihanyu
- Mutivi bya rihanyu ra yena
- Xikimu xa ndzindzakhombo/xo pfuneta hi swa vutshunguri
- Ku hlalula vukorhokeri bya swa rihanyu
- Ku tshunguriwa hi munyikavukorhokeri wa swa rihanyu loyi a nga na vito
- Xihundla
- Ku pfumela eka leswi u swi twisisaka
- Ku aleriwa vutshunguri
- Vonelo ra vumbirhi
- Vutshunguri byo yisa emahlweni
- Ku vilela hi mayelana na vukorhokeri bya swa rihangu

Loko u lava ku rhipota xivilelo eka Muyimeri wa Timfanelo ta Vaakitiko eka swa Rihanyu, fonela nomboro ya mahala ya: 080 911 6472, hi le tlhelo u nga rhumela fekisi eka: 086 560 4157 kumbe imeyili eka: complaints@ohsc.org.za